

續修廬州府志卷六十六

花翎道銜江南安徽廬州府知府清泉黃 雲總修

列女傳 孝貞 女 孝婦

宋

張勝女奴兒合肥人淳熙十一年母病劇奴兒割股肉食母愈十二年知廬州軍事王希呂以其事聞於朝刻

石旌之 志 舊

元

張氏女適高屋 舊志 作 厯 廬江人母病喪明氏歸省抱母泣

以舌舐之忽能視州縣以狀聞有詔褒美之 通志 縣志

明

續修廬州府志

卷六十六

列女傳 貞孝

一

高翰沖女合肥人翰沖讀書蜀山僧舍甲申聞變殉節

女聞亦赴井死後人名其居處曰孝義巷 通志

潘孟禮二女舒城人姊以目疾不字妹誓與俱養親老

壽終於家 通志 縣志

賈子貴女舒城人少孤兄又歿嫂遺腹生男女曰賈氏不絕者賴此一縷耳願與嫂共守之遂終身不字以壽

終葬洪家坂里人稱賈氏貞姑墓 通志 縣志

張亮女年十歲舒城人亮疾甚女禱於神刲股以進其

兄孟奎孟辛及其姊亦然亮竟瘳 通志 縣志

張智女貞姑廬江人字吳修文未婚修文卒女覓死未

果在母家守貞督內政家人稱老姑至七十七歲病與

家人訣曰我女身殯殮毋用外人必葬我舍側時人爲作貞女歌雍正十一年 旌通志 縣志

朱衣彩女廬江人年十三刲股療母後適桐城饒雲慶

光緒四年 旌通志 縣志

劉天一女廬江人矢志養父母不嫁卒年七十餘采訪 冊

監生李禹女秀真無爲人幼聰慧解書史隨父南雍父

以疾歸道卒女哀痛嘔血死嘉慶志 通志

以上 貞女 孝

陸萬鵬妻侯氏合肥人姑周病亟忽思肺羹氏於午夜

引刀割腹割肝葉寸許復刲右股肉和糜進之姑病遂

愈氏創亦尋合人稱奇孝康熙志 通志

續修廬州府志

卷六十六

列女傳 貞孝

二

周振鼎妻崔氏合肥人嘗負姑避難走三十里姑病急

倉猝中刲肉爲羹進之立愈年七十始出刃痕以示子

孫康熙志 通志

沈維新妻張氏合肥人嘗刲股愈其夫壬午流賊陷城

姑病不能行謂張氏曰我老不足慮汝當自爲計氏泣

對曰棄姑偷生義不爲也卒扶姑走時鋒刃林立扶持

盡瘁數與賊遇幸得免卒全其衰姑縣志

殷尙禮妻潘氏合肥人夫年六十病篤刲股以進卽愈

采訪 冊

李遇春妻巫氏合肥人姑病刲股愈之子芾妻張氏流

寇起芾侍父避難幾爲賊斃張以身掖姑而受重傷有

司旌其閭曰一門雙孝通志

庠生錢如容母吳氏合肥人通志作舒城人賊至侍衰姑不忍

逃避仰頸就刃賊義釋之後以壽終采訪冊

陳萬言妻程氏舒城人姑胡氏病氏割股以進姑獲愈

采訪冊通志

孔聞檜妻郝氏舒城人事姑極孝嘉靖時旌通志

徐道存妻方氏貢生萬運昌妻彭氏均舒城人皆割股

療夫采訪冊

隱士郭家楨通志作貢生郭嘉正妻程氏舒城人姑周病氏割股

以療頓愈後姑復病其娣傅氏亦割股愈姑及程氏病

長子萬化妻胡氏次子萬里妻葛氏亦次第以割肉進

續修廬州府志

卷六十六

列女傳 貞孝

三

迨其後胡氏子諸生士亮又割股愈母萬里病其續娶

妻蔡氏及子諸生土豪皆割股療之亦愈人以爲一門

孝感縣志

張崇舜妻朱氏舒城人孝於姑寇陷城時負姑潛匿稚

子翼隨之不顧夜行晝伏啗草飲泉姑賴以生縣志

鄭世俊妻左氏舒城人明末寇變闔室逃亡翁姑及世

俊俱染疫癘左氏剪髮易藥療之得痊縣志

進士胡永亨妻祝氏舒城人孝於姑明季亂奉姑避江

甯困乏未嘗稍薄奉養及寇平歸助永亨總理舊業家

以不落方避寇時同里在江甯者百餘口氏時時周之

縣志

孫自宏妻王氏廬江人崇禎辛巳流寇至氏與姑傅氏俱陷寇營寇謂氏曰畜產皆姑主之姑不同恐不得留我姑無害氏給寇曰畜產皆姑去遠乃大泣曰馬騾失必來贖寇遂遣姑留婦氏度姑去遠乃大泣曰馬騾不可得吾爲全姑計耳賊怒刃殺之時年三十縣志

從九周光萬妻方氏巢縣人性婉順卽婢媪亦未嘗忤舅姑在堂欣然道婦孝聞者亦欣然道周家婦孝也光萬病且篤氏潛割股和藥以進竟得愈縣志

以上孝婦

國朝

編修李孚青女合肥人大學士文定公女孫也字廬江

續修廬州府志

卷六十六

列女傳 貞孝

四

宋嗣熙熙卒女年十四聞訃截髮自誓不欲生父母許成其志始納食飲屏居小樓凡十有四年雍正五年白其母曰兒前以年少恐舅姑不能信今逾三十可歸矣母乃將女至宋家旣見舅姑從容拜夫木主前默無聲其母悲不自禁貞女曰兒賴父母明大義得全餘生今志已遂復何憾宋氏內外宗來觀及內御者莫不嗚咽掩涕其母因病不能興少間貞女請於舅姑送母還母終旣葬遂歸宋氏乾隆五年 旌方望溪文集 嘉慶志 通志

諸生楊寵女合肥人字丁守庸幼喪母爲養媳於丁未婚守庸卒女矢志不二守貞五十九年乾隆五年 旌

王氏女生員王朝璿姊合肥人母張得痼疾女侍母誓
不字年六十四卒乾隆八年 旌 嘉慶志

李浴曾女字宋和合肥人和歿女年十六聞訃守貞四
十七年已 旌 通志 采訪册

李紹白女合肥人字戴氏子未婚守貞已 旌 采訪册

趙氏女字沈松杰合肥人年十九松杰病故過門守貞
孝事孀姑撫姪爲嗣越九年病卒完貞已 旌 通志 采訪册

胡掄升女字長甯河殷某合肥人年十九殷故女矢志
守貞不踰閨闕紡織自給五十載始終如一至咸豐七
年無疾終時年六十有九已 旌 采訪册

龔氏女字謝承封合肥人封歿守貞十餘年卒已 旌

續修廬州府志

卷六十六

列女傳 貞孝

五

通志 采訪册

監生李懋女字彭生合肥人年十六未嫁彭歿女聞訃
往弔矢志守貞孝養翁姑嗣翁姑相繼歿遂賫志而死

已奉 旌表 通志 采訪册

戴鴻鈞長女合肥人幼識禮義父病危刲股和藥以進
愈而復歿女哀泣逾恆後適定遠從九方銘新事繼姑
以孝聞同治三年母黃氏病篤氏歸省復刲股煎湯奉
母飲之母病愈而氏創處冒風潰爛兼受外感遂卒已

奉 旌表 通志 采訪册

蔡應綬女字張之瑒合肥人年十五之瑒病故女親往
弔喪成禮矢志守貞孝事舅姑撫姪士秀爲嗣姑病兩

次刲股進之愈道光三年氏抱病在牀姑爲整衣見創痕始知其刲股尋卒大吏奏請旌表建坊

通志采訪册

貢生李式昀女合肥人幼字張紹川知書字幽淑寡言笑年十九而紹川歿父母秘不令聞女久之得耗哭請於父母曰兒身許人人死奈何不往且奈舅姑何旣歸張衰經撫棺哭舅姑皆哭自是女非奠不哭恐增舅姑悲也姑年老多病得李氏來家無廢事氏百計求療姑不瘥則刲股和藥以進姑疾旋失後發輒如之姑不知也撫從子文燕養而教之一日晨起促家人治棺曰吾將以某時去及期無疾卒同治五年旌立祠

通志采訪册

監生王增女合肥人字戴昌祜將婚而夫歿聞訃絕粒

續修廬州府志

卷六十六

列女傳 貞孝

六

誓以死殉增責以養親撫孤乃承命進飲食歸戴守貞以夫兄子鳳喈嗣上事舅姑中和姒娣下慎撫教後鳳喈爲諸生先卒女偕子婦王氏茹苦教兩孤咸豐三年郡城破增全家陷賊女時鄉居日夜向城哭後增隨紳士內應復城幸無恙光緒四年旌

通志采訪册

楊氏女字李端

一作端聘

合肥人未成婚端服賈久不歸父

母以女少欲爲改字女誓死不從後端死女聞耗卽往夫家孝於舅姑以紡績食者三十七年已旌

嘉慶志通志

王公錫女合肥人性至孝母病女曰母病非一日可痊子職豈他人可代願在室奉養及笄不字父病湯藥親嘗衣不解帶者百餘日守貞終老已旌

通志

張道愷女合肥人以父母老矢志奉養終身未嘗踰閭
年五十四無疾卒已 旌 嘉慶志

褚雲女合肥人年十九父病劇女晝夜泣侍焚香籲天
刲股以進遂愈已 旌 通志 縣志

許襲薰女字方琳合肥人琳死女年十七哀請奔喪留
事舅姑琳兄子少喪母女教養兼至鄉里賢之 采訪冊

胡邦俊女字殷三祝合肥人未嫁而三祝死女年十六

矢志守貞已 旌 通志 采訪冊

以上 貞孝 女已 旌

陳啟泰女合肥人字蘇知非年十九未婚知非從征滇
南戰歿女聞涕泣守貞垂三十年里人爲之建坊名所

續修廬州府志

卷六十六

列女傳 貞孝

七

居巷曰貞女巷至今尙待 旌 康熙志 通志

張法語女合肥人年未笄同治二年賊至父被賊執劓
刲女從旁取賊馬刀斫賊死救父脫難鄰里稱孝焉 采訪冊

冊

孫嚴女字文童吳華英合肥人道光間氏年十六歲尙
未于歸聞夫病篤奔奉湯藥卽日夫歿氏哀痛欲死或
勸以翁姑年老勉留事養可盡孝道遂服喪三年時歷
荒旱家極貧升米千文氏自食茆根留粥食翁姑忍饑
挑茆言不苟發志懍冰霜凡食茆者多患腫脹甚則至
死氏竟無恙賊亂時奉翁姑逃避亦未受驚恐迨翁姑
次第歿躬親掩埋撫嫡姪爲子教訓成立得其贍養氏

年六十七歲鄉里咸欽其節孝

采訪冊

文童劉詔良女合肥人生有至性誓事父母終身為擇壻輒辭兄學書時勸勉之女乃縊幾死父母兄嫂咸驚異不復強名之曰潔貞女竭力事親友于伯兄鄉里無閒言後父及兄嫂繼歿女撫兄子光榮不以累母家事一取決焉光榮成立家日豐富女仍蔬食終其身

縣志

劉普女字崔少寬合肥人年十八寬歿苦節自守知府書額以守節全貞

采訪冊

文生沈廣運女合肥人事母孝母病刲股以進旋愈

采訪冊

葉氏女字范士仁合肥人咸豐癸丑士仁遇寇被害女

續修廬州府志

卷六十六

列女傳 貞孝

八

截髮自誓紡績以供祖母祖母疾割臂和藥憂勞而卒

通志

宋錫昌女字王星玉合肥人未婚夫亡立嗣守志壽六

十一年終

采訪冊

楊步蟾女字王禮泰合肥人年十八未婚夫故歸王門

守志卒年五十二歲

采訪冊

以上 女待 旌

貞孝

諸生江永母胡氏合肥人刲股救夫永妻田氏刲左股救姑刲右股救夫子監生廷傑妻刁氏刲股救姑里黨

稱爲三代孝婦云已 旌

采訪冊

劉希瑞 妻高氏合肥人姑病刲股和藥以進姑歿

瑞端一作端

嘔血卒已 旌 縣志

徐尊三妻范氏合肥人割股救姑病氏病子佐妻偶氏亦割股以救氏愈而媳卒佐感其孝終身不娶已 旌

縣志

沈胥公妻李氏合肥人年十三父母有疾焚香祈禱願以身代既歸沈事祖翁及祖姑潔滌澹勤定省先意承志胥得其歡心人稱其孝雍正元年 恩賜粟帛卒年

八十八已 旌 縣志

單秀三妻高氏合肥人十八歲于歸姑多病焚香求神願以身代割股愈病已 旌 采訪冊

諸生劉國正妻葛氏合肥人姑病氏割股和藥進立愈

續修廬州府志

卷六十六

列女傳 貞孝

九

姑歿翁續娶氏事之如初姑又歿氏哀痛成疾卒已

旌 通志 縣志

潘鼎母衛氏合肥人事孀姑極盡孝養姑病割股得愈年五十二忽語家人曰某日吾歸期至矣至期無疾而

死已 旌 通志 縣志

梅桂芳妻馬氏合肥人事祖姑及翁姑盡孝翁病兩割

股和藥獲愈已 旌 通志 縣志

武舉趙應丁妻韋氏合肥人夫病割股姑病又割股皆

愈已 旌 采訪冊

王純子妻張氏合肥人割股救父病于歸後割股救姑皆愈後氏病其女年十一亦割股療之已 旌 通志 采訪冊

諸生胡宗益妻董氏合肥人年十三歸胡爲養媳翁病侍藥拜斗三晝夜漿水不入口手足皆腫翁病旋愈姑

病刲股以療已

旌

通志
采訪册

從九朱品妻張氏合肥人姑病刲股以救夫病又刲股

已

旌

采訪
册

楊一丁妻李氏合肥人事繼姑每歲自十月至二月必與姑同臥起以熨其寒姑病篤刲股以療稱淮南孝婦

已

旌

康熙志
通志

以上孝婦已 旌

文童駱朝基妻晉氏合肥人幼嫻女範適朝基以舅早逝事姑顧氏尤盡孝道光二十三年姑病篤醫藥不效

續修廬州府志

卷六十六

列女傳 貞孝

十

晉氏禱天刲股肉和藥飲姑遂痊親隣咸知之而氏不

欲彰聞其子岐讀書有成始傳其實

采訪
册

馬彥章妻張氏合肥人家在城北八十里之元潭氏年

十五時其父美之以氏贅彥章於家其舅則馬青芝也

氏歸彥章十三年父母先後卒彥章年四十餘而又死

兩弟皆幼二妹未嫁氏忍死力任之其後合肥歲比不

登氏奉青芝及夫弟二人走池州乞食二弟先後死氏

復奉青芝自池轉徙至桐城依人廡下乞食挑野菜以

給養耄舅桐之民多賢之有欲娶之者矢誓不肯去青

芝死氏已六十餘矣遂乞食以終

劉大櫨文集
通志 采訪册

監生胡維璧妻陸氏合肥人奉舅姑避亂賊至氏翼舅

姑不克遂同死

縣志

朱世琢妻趙氏合肥人姑病氏刲股以療子輅妻袁氏於舅姑病刲左右股和藥輅長子正仁妻程氏於姑病夫病刲股亦如之稱三世奇孝

縣志

黃金詔妻蘇氏合肥人家貧舅姑仰氏女工以食或有疾必嘗藥而後進宗族嘖嘖稱孝婦姑疾篤藥不效氏刲股作湯進姑食之霍然愈

縣志

甯選榜妻沈氏合肥人幼失恃事父至孝年十八歸選榜事翁姑盡婦道相夫和敬先是姑病選榜刲股進之愈閱五載又病且篤氏刲股以救病亦愈五月後復病乃卒翁患疽氏朝夕侍奉衣不解帶翁性嚴急家人常

以小過被譴氏尤謹事之選榜素貧以貿易爲生氏躬操井臼并率子婦習勞苦尤好施與脫簪珥濟人急後遭賊家漸窘仍賙卹里黨不倦咸豐六年因次子熙泰殉難抑鬱成疾卒年四十四其子婦叅將甯繼賢妻巫氏年二十歸甯事翁姑孝謹咸豐八年奉姑避亂居鄉姑病篤氏刲股和藥以進終不起氏質衣珥治喪甚備佐夫持家卒年四十八

采訪冊

知縣譚慶餘妻胡氏合肥人于歸時姑已逝事翁極孝翁年七十一臥病數月氏刲股和藥以進病尋愈翁年

八十一而終

采訪冊

張仁和妻羅氏合肥人性和順年十九于歸夫讀書攻

苦病咯血氏侍湯藥將一載百計營救無效夜焚香沐浴刲股以進夫終不起氏創甚亦死采訪冊

余基達妻陸氏合肥人事姑孝姑病刲股療之獲痊壽

延二紀采訪冊

李廷耀妻季氏合肥人姑病刲股訓子式圃嚴而有法

後成進士采訪冊

諸生譚步蟾妻郭氏合肥人姑病與夫侍湯藥數月不

效氏刲股以療尋愈采訪冊

戴合普妻黃氏合肥人性至孝姑病刲股和藥以進姑

病旋愈後夫病復刲股以進夫病亦愈采訪冊

文生沈德明妻姚氏合肥人事舅姑孝舅病刲股以進

續修廬州府志

卷六十六

列女傳 貞孝

十一

采訪冊

馬國榮妻王氏合肥人夫病刲股姑病嘗糞通志采訪冊

汪恩誥妻李氏合肥人李盛春女夫病篤晝夜泣侍焚

香籲天刲股以進夫病遂愈采訪冊

儒士李鴻文妻趙氏合肥人旌德教諭席珍女幼慧通

經史善吟咏事翁姑極孝夫病刲股療之愈生子三皆

親授書里人稱賢著有蠻雲閣詩草後以子貴累贈太

夫人采訪冊

附貢生王子蓋妻某氏合肥人性和順通書字明詩習

禮事姑盡孝姑疾病刲股和藥進之一飲而愈其季女

適董氏亦解書舅姑既歿事長姒如禮逾年母病甚亟

歸省侍湯藥不倦見藥不效潛剖股肉煎湯進母亦竟愈人以閩範相傳爲有本云

采訪冊

以上孝婦待 旌

殷祚敏女廬江人字樂章含未婚夫亡聞訃服瀕以殉父母救之蘇遂奔喪守貞已 旌

通志縣志

夏永萊女廬江人字楊啟堂未婚夫亡聞訃奔喪事祖姑及孀姑以孝聞已 旌

縣志

聞氏女字丁崇舉朱氏字夏廷

一作廷

瓚廬江人皆未婚而壻他出崇舉游廣東不返有勸聞氏女改適者號泣

誓死靡他守貞五十餘年卒廷瓚久客無耗朱氏食苦四十餘年並以守貞終已 旌

縣志

續修廬州府志

卷六十六

列女傳 貞孝

十三

監生邢丹楹

嘉慶志作丹英

女字劉大帥廬江人年二十一于

歸有期劉歿父母不令知女潛聞之以死自誓令歸劉立姪孝錫爲子授室生孫而孝錫又歿遺孤甫數月乃同孀媳邢氏撫育孤孫紡績度日年逾五十三已 旌

安徽學政梁國治爲作傳

通志縣志

童志正女廬江人字方茂齡未婚而茂齡病女聞信請於父母往侍湯藥月餘茂齡死女時年十六號慟欲殉以勸止遂立嗣守貞以終已 旌

采訪冊

宋世賓女名傳道廬江人字吳氏子十歲剖股愈母疾人咸異之及笄父病篤藥罔效剖股療之亦不起女焚香籲天請以身代不食數日而父愈女死道光元年事

也已 旌 通志 採訪冊

章安純女廬江人字葉雲衢聞夫訃絕粒五日母許成女志乃起足不踰闕者二十餘年卒年四十三已 旌

建坊 通志 採訪冊

監生周洛哲女字夏洽廬江人年二十一未嫁而洽死聞訃絕粒數日父母知不可奪令歸夏立嗣耐貧茹苦守貞以終已 旌 通志 採訪冊

巢縣盛濟年女幼字廬江黃梅芳梅芳八歲遭殘疾其父母請於盛曰吾子廢他日必爲女累不如改字盛笑卻之數年梅芳卒女年十五聞訃哀號不食數日父母責以養親大義強起奔喪不出戶庭者三十一年已

續修廬州府志

卷六十六

列女傳 貞孝

十四

旌建坊 採訪冊

孝廉方正吳廷香季女廬江人字盧佳復生有至性父廷香以守廬江城殉難女聞之悲慟幾不欲生未幾佳復以病卒女毀容絕粒以死自誓其母與其長兄長慶熟籌之欲奪女志恐速之死乃許歸盧氏衰經上冢爲夫立後時佳復父母久下世女無所倚居匝月仍歸母家長齋事佛足不踰闕別炊以自給及母歿卽矢殉水漿不入口兄嫂泣勸之始強進粥飲卒以哀毀成疾

甚歸盧氏而卒已 旌 通志 縣志

金氏女字彭杰廬江人年二十未婚而杰歿奔喪守貞孝事舅姑立姪承祧安徽學政秦潮獎以額曰冰蘖安

貞卒年四十一已 旌 通志 縣志

歲貢生黃封女小姑廬江人許字桐城儒童何陟年十八未婚而陟歿女聞訃即不食已六日矣兄慕敦慰之曰守志終身正也以身殉變也變惟迫於不得已者宜之吾終當成汝節保無他意何遽死為且吾兄妹惟二人汝死誰助我女聞言乃起自是衣粗食淡凡幼所鍼刺擬充嫁奩者悉以布施貧人二十餘年足跡不出闕年逾四十何姓迎歸以貞節終已 旌 縣志

李氏女字楊文燭廬江人在室聞夫有刳肝救母之事心義之夫歿矢死守貞更服往奠躬操井臼孝養孀姑數十年如一日卒年六十一已 旌 通志 縣志

續修廬州府志

卷六十六

列女傳 貞孝

十五

許氏女字樊忠廬江人年十四忠故聞訃奔喪誓以身殉繼見孀姑年邁忍死守志卒年六十九坊建宛家山

頸 通志 縣志

陳氏女庠生陳大熙姊字章安元廬江人年二十未嫁而安元歿聞訃泣血奔喪翁姑在堂蕭然四壁氏竭力營饘盡孝盡禮立嗣邦和教養成人守貞二十餘年如一日卒年四十七坊建羅家埠 通志 縣志

光氏女字鄭發植廬江人年十九未婚而發植故在室守貞卒年六十坊建七架橋 通志 縣志

何氏女字廩生孫緯之子大澍廬江人年十四未婚大澍病故女矢志守貞足不越闕坊建上聖殿 通志 縣志

合肥候選同知虞恩傑女字廬江文生章承恩年十七
未婚承恩故女誓死靡他守貞二十餘年存年四十八

已

旌

通志
縣志

李氏女字許恩錫廬江人年已及笄未婚恩錫卒女聞
耗誓與同穴勺水不入口者累日父再四勸諭始進溢
米易服過門於柩次成婦禮守貞八年卒已

旌
縣志

優貢生章自昭長女廬江人字浙江舉人郭彤伯長子

志麟在杭州殉難女未婚守志以毀疾卒坊建杭州府

西門外大街

縣志

丁氏女字鮑繼善廬江人年十八未婚而繼善卒女奔
喪守貞家素貧辛勤紡績事翁姑以孝聞翁姑病必親

續修廬州府志

卷六十六

列女傳 貞孝

十六

奉湯藥值兵亂流離顛沛未嘗離側及歿哀毀盡禮撫

嗣子鴻翔成立入庠守貞三十五年卒已

旌
縣志

李氏女字洪言義廬江人年十七未婚聞言義故易服

奔喪立子守貞孝養翁姑卒年四十一已

旌
通志
縣志

監生周正榮女字廬佳楠廬江人年十九未婚聞佳楠
故矢志守貞更服往奠奉事孀姑盡孝盡禮卒年七十

一已

旌

通志
縣志

劉氏女字洪官發廬江人年十九未婚聞官發故女奔
喪堅守孝事孀姑立姪承祀守貞三十三年卒已

旌

通志
縣志

吳氏女字夏延象

通志
廷象作

廬江人年十六未婚而延象

病故聞訃奔喪忍死守貞越數年以毀疾卒已 旌通志

縣志

無為州候選州同張存度 采訪冊作可法 女字廬江沈於澍年

十九未婚於澍歿女誓不他適年二十九歸沈奉養翁

姑立子道貞承祧卒年三十九安徽學政王綬獎以冰

檠貞操匾額已 旌通志縣志

以上 貞孝 女已 旌

諸生何墉之女魁姑廬江人母病禱於神乞以身代又

割股和藥以進母歿絕粒死嘉慶間學政周以孝比曹

娥表其墓 通志縣志

方元璽女字葉文元廬江人年十六聞夫訃絕粒欲殉

續修廬州府志

卷六十六

列女傳 貞孝

十七

以勸免乃往奠留侍孀姑立姪葉堂為嗣守貞終身 通志

采訪冊

優貢生章自昭女瑞貞廬江人生有至性年十五父歿

母吳多病不能一刻離女嘗顧而歎曰今安得北宮女

事母以終身者女跪而應曰願遵母命矢以終身母病

延綿屢割股和藥以進奉湯藥十餘年母歿欲殉死長

嫂幼弟泣勸不回延族姻許以不奪初志始少進飲食

家祭攀樹悲號哀動行路 縣志

桐城孝廉方正吳迎卿

通志作寅清

女字廬江王嘉賓年十

六聞夫訃欲以身殉親阻之百折不回遂令歸王孝事

兩代孀姑以終

采訪冊

姚氏女字程昌化廬江人年二十一咸豐四年化被賊擄久不歸化兄昌啟憐其少許其母家改字氏泣涕自誓請在夫家貞守十一年隨嫂避匿以病死采訪冊

姚氏女字廬江太學生吳鶴齡乃廣東鹽大使浙江吳興姚德恆之女幼喪母侍奉祖母承順顏色能得歡心父德恆年邁氏侍起居先意承志服勞惟謹咸豐十一年許字鶴齡氏年十九婚有日矣而鶴齡病歿氏聞耗毀妝自誓矢志守貞足不下樓者十年屢欲來夫家事翁姑以父年邁侍奉不忍離鬱鬱不遂志於同治十年六月病卒年三十光緒七年夫弟學廉迎遺榿歸與鶴齡合葬於廬江抱龍山并立子爲嗣承女志也采訪冊

續修廬州府志

卷六十六

列女傳 貞孝

十八

布理問胡延齡女廬江人字湯履蟾未婚年十八蟾忽抱病亡女聞訃往弔遵制盡禮事翁姑孝立夫兄次子治體爲嗣撫育人守貞三十一年現年五十四采訪冊

陳氏女字姚繼登廬江人幼養夫家繼登勤於讀積勞病故女年十四誓死靡他事舅姑曲盡孝養持家勤儉立姪起泰爲嗣訓誨有方矢貞終身縣志

監生劉保和女字周繼振廬江人年十六未婚繼振病故女聞訃誓以身殉父母力阻乃止遂歸夫家掃墓守志孝事翁姑翁姑相繼逝氏喪葬盡禮立胞姪述章承

桃矢貞終身通志 縣志

劉氏女字夏應干廬江人年十六未婚應干卒女過門

守貞終身練服勤苦操作言不出閫存年七十縣志

監生陳敬文女字張世琦廬江人年甫十歲世琦卒女請於父母許赴夫家治喪復請於舅姑許以姪爲嗣家貧紡績自給事舅姑曲盡孝養堅貞自守里閭稱賢現

年六十一縣志

吳氏女字胡長秀廬江人年十六未婚長秀卒女歸吳守志孝事舅姑撫嗣子成立卒年五十六縣志

文生黃士勛女髻齡廬江人許字桐邑生員吳虛谷之子世香未于歸而世香病故逾五年女始聞耗絕粒數日以死自誓母勸止之成其志送歸吳氏素服往墓次拜哭甚哀路人聞之無不傷感邑人士爭爲歌詠以表

續修廬州府志

卷六十六

列女傳 貞孝

十九

其行遂成卷帙女亦知書精女紅能以婦職代子職事舅姑盡禮朝夕問安退則操井臼家人咸重其能明大義也及避亂流離抑鬱成疾年二十而卒縣志

王守正女字張足清廬江人年十八未婚足清病歿訃至女鍵戶不食母泣勸之始進溢米易服臨喪慟絕者再守貞二十九年卒縣志

廩生夏大文女字盧佳震廬江人年十九甫請期而佳震歿女聞耗過門守貞事衰姑盡孝撫嗣子盡慈現年

五十

縣志

姚攀桂女字副將張應魁廬江人年十三過門童養應魁投効軍營至二十五歲未婚迨應魁歿於王事女聞

訃哀慟絕粒誓不欲生姑勸以撫嗣爲重乃忍死守志侍奉舅姑能盡孝養立胞姪光照爲嗣教育交盡閭里

矜式

縣志

劉氏女字葉俊卿廬江人年十六未婚俊卿病故女得耗衰經過門守貞不二事孀姑能先意承志卒年四十

五

縣志

從九張駿臣女幼字呂卓生廬江人年十六未婚而卓生歿女聞訃奔喪以首觸棺血流至地水漿不入口者五日氣息奄奄孀姑姚氏泣勸曰汝殉吾子我何所終女乃強起操作奉姑家貧如洗資女紅以度日饑寒忍受或有勸其改節者嚙指截髮以自誓每於夫之生辰

續修廬州府志

卷六十六

列女傳 貞孝

二十

忌日必往墓拜奠號泣之聲行路哀感苦守歷二十六

年

縣志

邢道邦長女幼字高藍玉廬江人甫八歲藍玉卒後數年女已省事卽言誓不他適父母嘉其志因送過門成服拜夫主前守貞三十餘年卒

縣志

監生陳精明女字張崇義廬江人年十三崇義病故女聞耗奔喪臨奠持服三年守貞不二孝事翁姑以哀毀成疾卒年二十八歲

縣志

蔣氏女字儒士徐聚棋廬江人年十九于歸有期而聚棋歿訃至父母不使聞女察家人色有異問而知之卽去簪珥易服往臨其喪奠靈所哭盡哀遂留夫家守貞

足跡不出門戶家故貧寒衣食咸藉鍼紉越五年以羸疾卒縣志

廣東鹽大使陳昌文女廬江人隨父在任所字丁崇巘年十七未婚巘卒聞耗絕粒數日誓不欲生從父母命忍死守貞有終身膝下之志父母羸疾百藥罔效女焚香籲天願減算以延親壽並割脯肉兩次以和湯藥疾皆起及父母相繼歿女終日號泣淚枯成血以鍼滯所餘助弟歸櫬於數千里外窀穸就安乃往奠夫墓旋立州同丁際堯次子嗣後撫之讀書氏現年五十一縣志

從九張駿臣女廬江人幼字程氏過門童養年十四姑病刲股作湯以進姑尋愈縣志補遺

續修廬州府志

卷六十六

列女傳 貞孝

二十一

從九程禮章女廬江人年十二母病篤刲肱以進母病

旋瘳縣志補遺

施氏女廬江人字楊纒春年二十二未婚夫被擄過門

守貞采訪冊

以上貞孝女待旌

郡庠生凌大本妻江氏廬江人年十歲為養媳於凌姑

病篤氏感姑恩潛刲股肉作羹進姑病若失通志采訪冊

朱祖琪縣志祖祺妻王氏廬江人在室事繼母甚謹嘗刲

股愈母病歸朱善事舅姑舅姑病氏先後刲股獲瘳氏

卒年七十八通志采訪冊

丁燦勳妻向氏廬江人于歸後事姑惟謹日侍側必俟

姑寢乃退姑鮑氏性慈常曰家人禮何恪如也宜稍間
氏終不怠道光閒歲大禋家無隔宿糧氏勤紡績易粟
必姑食乃食姑寢疾氏親嘗湯藥衣不解帶者三年教
子尤以義方著卒年三十五以子汝昌貴贈一品夫人

縣志

儒童章邦榮妻徐氏廬江人幼嫻內則舉止中禮及長
歸邦榮事孀姑極孝姑病兩次刲股療愈邦榮病故毀
容絕粒誓以身殉姑再三泣勸乃起家故貧常以鍼黹
易甘旨養姑自食粗糲弗使姑知也姑歿喪葬盡禮後
子鑾坡以歲貢就教職皆氏義方之訓所致卒年五十

五

縣志

續修廬州府志

卷六十六

列女傳 貞孝

二十一

丁崇則妻盧氏廬江人事孀姑能先意承志孝養惟謹
氏年五十餘已見孫矣姑怒必長跪受杖俟其顏霽乃
已子太學生廷福常課徒養親現年七十七氏現年九
十九母慈子孝每逢暑夕相爲驅蚊

縣志

俞文益妻葉氏廬江人幼嫻閨訓工女紅和婉於家庭
父母愛之既歸俞氏事翁姑謹咸豐間從夫避居白湖
之濱夫旋卒姑年七十三得輓腳病刲股和藥愈之恐
子廢讀令就學遠方十一年賊大股至湖濱有義舟氏
掖病姑出門屢行屢蹶勉強負姑近舟則難民已滿氏
搶地哭請載病姑而遺已有一小漁舟憐之移向岸氏
甫負姑登賊已至舟開矣氏躍入水中賊以戈逼之不

及賊退舟人見水中有亂髮拯之起半日始甦姑亦得免

縣志

山西補用知縣許大同繼室林氏廬江人大同父鳳翔任福建臺灣知縣時大同納氏爲側室咸豐閒大同回籍掃墓適鳳翔疾革氏親侍湯藥衣不解帶者累月及歿經理喪殮哀毀盡禮鳳翔故後宦囊如洗氏寄居七載撫育子女以鍼黹自給省積餘資扶櫬航海歸葬知縣黃光彬以孝行可風顏其堂族人因大同嫡妻已亡以氏賢才因扶爲繼室焉

縣志

庠生鮑雲鵬妻唐氏廬江人性端慤于歸後恪盡婦道母邁疾兼病日氏歸哺藥舐之且割股以進母疾瘳而

續修廬州府志

卷六十六

列女傳 貞孝

二十二

目旋失明時與母家比屋而居氏每日歸省躬進飲食竭力侍奉閱七年如一日母歿哀毀盡禮踰年姑患痢疾褻衣踰器氏必親滌姑疾革復割股和藥療之姑歿哀至絕粒咸豐甲寅雲鵬殺賊陣亡氏屢欲身殉爲家人防護得不死氏長媳趙氏亦以姑病割肱療愈次媳程氏夫亡守節三媳洪氏賊至死難四媳張氏夫死從殉皆氏以身教所致氏年八十六壽終以子灼貴封恭

人 縣志補遺

以上孝婦待 旌

芮氏女字張學易舒城人夫歿未婚守貞已

旌

采訪冊

奚氏女舒城人年十二母許氏病危割股肉進之遂愈

母許氏亦刲股以療其姑已 旌通志 採訪册

王一作汪氏女舒城人庠生王國銓女刲股療父已 旌

通志 採訪册

孔希文女舒城人十餘歲立志事親終身不字以壽終

已 旌通志 縣志

王世享女鞠英舒城人幼有至性家貧恆私咽糠粃或終日飢而父母饑羞未嘗缺父母有疾侍湯藥忘晝夜

年十六未字而卒已 旌通志 縣志

宋郁女舒城人字李時中年十六時中死女聞訃奔喪以從子嗣咸豐七年賊踞舒女絕食死守貞凡四十二

年已 旌通志 縣志

續修廬州府志

卷六十六

列女傳 貞孝

二十四

吳用彰女字孔繼賢舒城人未婚繼賢歿女聞訃絕粒父母泣勸之乃起素服往夫家立繼賢姪為嗣守貞四

十年已 旌通志 採訪册

歲貢生朱其楷女舒城人年十四刲股救母已 旌通志

採訪册

以上貞孝女已 旌

任作璽女舒城人字林中履未婚而中履歿女聞耗疾作將瞑顧父母曰兒生為人依父母死為鬼將誰依耶

父母喻其意謀於壻家俾合葬焉通志 縣志

查世祿女舒城人字王金柱未嫁水漂沒金柱全家女

依母守貞歲時具楮洒呼王氏先靈哭奠終其身通志 縣志

鄭爲棠女舒城人字翰林蕭際韶三子肇鯨隨父宦卒
京邸女聞耗絕粒數日後翁歿歸里女素服奉衰姑立

嗣守貞

通志
縣志

王氏女字汪

一作江

古訓舒城人古訓卒王聞耗來歸事

兩世孀姑以夫從兄子爲嗣終身未嘗見齒鄉人咸欽

其苦操

通志
縣志

宋氏女適教諭程亮工舒城人父病篤焚香割股肉餌

父以愈終其身不使人知後臨卒家人爲之更衣乃見

之

采訪
冊

戴氏女舒城人字程定基年十六以亂故歸夫家未畢
姻卽偕夫家避難其翁病劇幾死女日夜禱祈衣不解

續修廬州府志

卷六十六

列女傳 貞孝

二十五

帶者數月手足焦敝見者憐之

采訪
冊

文生董起鵬女字高恩波舒城人恩波病故時氏年十

九未婚立夫兄亳州訓導恩隆三子曙爲嗣撫養成立

守貞四十六年

通志
縣志

黃問遠女字任嗣潮舒城人未婚夫亡聞訃奔喪孝事

衰姑立姪承嗣守貞以終

通志
采訪冊

陳氏女字周文炤舒城人未婚炤卒奔喪守貞

通志
采訪冊

胡左粥女字楊廷英舒城人未婚廷英卒立志守貞

通志

采訪
冊

曾顯謨女字鍾球舒城人未婚球卒守貞事姑

通志
采訪冊

龔海安女字孫某舒城人年十九孫病故女聞訃奔喪

守制立嗣傳宗守貞六十一年采訪冊

林氏女字萬志林舒城人未婚志林歿矢志孝養父母

守貞五十三年采訪冊

林氏女字胡巳行舒城人未婚行歿女年十七毀粧守

志四十二年無疾而終通志采訪冊

葛氏女字趙名儒舒城人未婚名儒遠出不歸氏矢志

守貞卒年六十一通志采訪冊

姜氏女字沈啟敏舒城人庠生姜麟書妹年二十啟敏

歿女聞訃奔喪守貞三十八年采訪冊

孫氏女明又舒城人庠生漸之第三女直隸布政使觀

之姪女也少習經典明大義矢志不字以養父母母病

續修廬州府志

卷六十六

列女傳 貞孝

二十六

刲股療之愈父母相繼歿絕粒欲殉以勸免兄明翰官

浙江會稽知縣無何又卒女乃佐理家政撫庶母弟明

幹教養兼盡至於成立性又好施常積緘芻資以濟貧

困遠邇賢之采訪冊

以上貞孝女待 旌

監生左前文媳張氏舒城人事舅姑至孝姑病刲臂肉

救之尋愈已 旌采訪冊

馬錫鞏妻濮氏舒城人事翁姑以孝聞夫病氏刲臂救

之尋愈夫歿撫子成立娶媳張氏姑病亦刲股以進已

奉 旌表采訪冊

樊默茲妻朱氏舒城人家貧舅歿姑黃善病氏朝夕侍

奉足跡不相離者十五年姑年九十餘齒盡落病劇氏乳之姑歿以哀毀卒

通志
縣志

監生江公錫妻朱氏舒城人有至性翁病百方不起氏刲股和藥愈之後朱病子之泗方十一歲亦刲股以療

氏以守節終已

旌

通志
縣志

庠生周豐妻黃氏舒城人事孀姑至孝姑與夫俱病氏

倉皇刲股以進皆愈已

旌

通志
縣志

周之俊妻許氏舒城人性至孝姑病刲股療之夫病亦

然已

旌

通志
縣志

舉人郭士瑛妻王氏舒城人事姑樊氏盡孝樊病劇氏刲股療之獲愈瑛繼妻程氏病子維祺妻蔡氏亦刲股

續修廬州府志

卷六十六

列女傳 貞孝

二十七

以療之已

旌

通志
縣志

高截妻王氏舒城人事舅姑至孝姑病篤氏刲股以進

獲愈已

旌

通志
採訪冊

以上孝婦已 旌

諸生郭士瑋妻衛氏舒城人本富室女知書明季流寇

陷舒氏奉繼姑樊避於深山悞入虎穴薄暮虎突至氏

以身蔽姑虎驚疾去次日姑產男病不能行氏舍已女

負姑攜夫幼弟奔卒免於難年七十八卒

縣志

靳起柳妻黃氏舒城人孝於姑姑病風痺黃左右扶持

早夜不言瘁姑歿凡姑所嗜不忍食夫病刲股愈之子

夢元子婦倪孫章墅孫婦黃咸以刲股聞

縣志

曾湧泉妻靳氏舒城人訓導靳夢元女年十二繼母周病刲左股療之越二年周復病刲左股如前既愈歸湧泉夫得疾氏刲右股和藥進亦愈越數歲復病復刲右股和藥進竟不起氏年方二十七未幾遂以勞瘁卒

縣志

采訪冊

左執中妻張氏舒城人姑老病腫張日夕吮膿血復刲股療之愈後封夫人

縣志

程學仁妻金氏舒城人姑多病氏日侍湯藥卧不解衣事繼姑亦然一鄉稱之

縣志

葉集成妻褚氏舒城人姑病死復蘇呼褚曰汝願以身代吾乎鬼神憫汝孝增吾與汝壽矣褚始言病中禱天

續修廬州府志

卷六十六

列女傳 貞孝

二十八

事後皆如姑言褚之孫曾日見昌盛人以爲篤孝之報

采訪冊

歲貢生靳傲妻黃氏舒城人侍姑與夫病皆刲股愈傲弟優貢生恩銓妻董氏亦刲股療姑病傲子廩生學涪

涪一作浩

妻黃氏傲長孫候選知縣宗樞妻沈氏均以姑病刲股愈之銓女適庠生高煜三子崇祉未字時刲股以療母疾銓側室周氏侍銓妻董氏疾亦刲股人謂孝婦

萃於一門

通志采訪冊

王來禧妻張氏舒城人姑病刲股和藥以進姑霍然愈

采訪冊

監生童前勳妻陳氏舒城人性賢淑事孀姑極孝娣姒

六人和睦無閒言姑耄目瞽奉養尤謹姑歿哀毀骨立
喪葬盡禮冊 采訪

監生高賢書妻程氏舒城人刲股療姑疾夫病亦刲股
愈之通志 采訪 冊

李廷碩妻班氏舒城人刲股療孀姑趙氏病冊 采訪

灣籍庠生儲炳春妻韋氏舒城人韋鴻勳女母病篤晝
夜飲泣刲股肉救之尋愈冊 采訪

耆民周合爽妻汪氏舒城人汪自明女姑病刲股救之
未愈姑歿氏哀慟成疾旋卒冊 采訪

從九董永平妻褚氏舒城人褚禮愷女姑病篤氏刲股
療之尋愈冊 采訪

續修廬州府志

卷六十六

列女傳 貞孝

二十九

遊擊童昀妻陳氏舒城人性純孝姑疾刲股療不效祈
禱倍至姑歿悲慟成疾遂卒遺女七齡子週歲里人哀
之冊 采訪

朱耿妻曾氏舒城人姑病刲股以進尋愈享年八十餘
齡氏事之尤謹鄉里咸以孝稱後氏病其媳陸氏亦刲
股愈之冊 采訪

儒童曾浩妻束氏舒城人刲股愈姑疾終其身以孝謹
聞冊 采訪

耆民束德妻吳氏舒城人刲股愈姑疾有賢淑名冊 采訪

鍾承謨妻高氏舒城人事姑至孝姑病氏侍湯藥晝夜
不懈始終無閒冊 采訪

庠生束春熙妻徐氏舒城人姑病刲股愈之素以孝聞
采訪册

李如純妻湯氏舒城人湯問川女姑病刲股肉和糜以
進後數日乃卒
采訪册

庠生苗世清妻胡氏舒城人夫以苦讀致疾氏禱北辰
不應刲股肉救之卒不起
采訪册

褚孝竹妻彭氏舒城人監生和中女事翁姑盡孝夫病
重刲股進之愈
縣志

五品藍翎候選知縣陶秉鈞妻鮑氏舒城人增生鮑熙
齡女其夫從戎積勞成疾回籍醫治久未痊尋刲股進
愈之事益謹
采訪册

續修廬州府志

卷六十六

列女傳 貞孝

三十

以上孝婦待 旌

諸生張弛女無為人幼讀書工詩畫字俞雙未婚雙卒
女年十三請往奠為文祭奠矢志守貞雍正十一年

旌
通志采訪册

諸生王弓
通志作王虞友女無為人字張可權未婚可權卒女

聞不食請奔喪遂留守貞事舅姑盡孝乾隆三年 旌

通志州志

諸生章
通志作張成志女無為人字張之校聞校訃閉戶自

經父母驚救越三日蘇遂奔喪盡哀翁勸暫歸女曰兒

來安歸翁感泣為立後以守乾隆五十四年 旌
通志州志

周氏女字孫世祿無為人世祿歿女茹苦守貞數十年

已 旌 通志 采訪册

劉日言女字張世纂無為人纂卒女年十七聞訃奔喪
留奉舅姑竭力營葬守貞不二已 旌 通志 采訪册

張廷禔女字貢生孫延嗣無為人親迎有日延嗣歿女
年十六奔喪守貞事祀姑舅姑極孝已 旌 通志 采訪册

高月照女字程正爵無為人年十五聞夫歿衰經詣程
哭奠留事舅姑立嗣守貞三十六年已 旌 通志 采訪册

徐氏女字朱錦榮無為人年二十二榮卒女守貞三十
二年已 旌 通志 采訪册

吳氏女字陳必倫無為人必倫卒女年十八聞訃守貞
已 旌 通志 采訪册

續修廬州府志

卷六十六

列女傳 貞孝

三十一

萬氏女字李天秩無為人年未及笄聞秩病隨母侍湯
藥及故誓不欲生念翁姑在堂復強起孝養立姪為嗣
辛勤教養六十餘年目見孫曾卒年八十二歲已 旌

通志 采訪册

監生程學任第四女無為人字含山文生汪文炘未婚
文炘殉難上元縣學署女年二十三聞耗撤環成服矢
志守貞留養父母以孝聞立文生江文煊次子國階為

嗣已 旌 采訪册

汪氏女無為人字含山文生張鼎臣鼎臣故女聞訃往
弔誓死絕粒重迫翁姑命遂忍死侍養立姪為嗣兵燹

攜子避亂備歷艱辛已 旌 采訪册

吳天儀女無爲人字夏茂旭聞夫訃立往服喪後夫疾篤女歸甯刲股進遂愈時驚爲貞孝已 旌 通志 州志

監生唐仕清女無爲人字楊同濬年十七聞夫凶耗絕粒五日垂斃父許以奔喪乃起持服歸楊孝事翁姑以

終已 旌 通志 州志

徐册作氏女無爲人幼字何正坤正坤歿女年十二絕

粒欲殉舅姑責之遂守貞六十年已 旌 通志 采訪册

汪氏女字方應昱無爲人年十二父母俱歿童養於方未成禮應昱死女年二十矢志守貞孝事翁姑今三十

年已 旌 通志 采訪册

以上 貞孝 女已 旌

黃瑞徵女無爲人字胡謙年十七謙卒奔喪守貞事翁姑孝姑病篤女嘗糞而憂刲股和藥進姑卒哀毀成疾亦卒苦志三十六年 通志 州志

舉人汪錯女無爲人字季雨蒼次子未婚夫飄泊爲僧封髮寄汪令他適女誓死不二侍父母以貞終汪錯孫女字王繼緒八歲爲養媳於王姑愛之十四歲姑壻相繼病女不以小嫌引避躬侍湯藥日夜無稍懈姑壻食亦食不食女則掩泣及姑愈而壻卒女將殉姑強尼之乃立後以養後三年卒厝棺圩田潮漲漂棺去數里忽

逆流上浮落村旁高處人咸異之 通志 州志 采訪册

郭氏女無爲人幼字某年十六以瘋疾出無耗女誓不

改適卒年八十三乃邢姓僕女也

通志
州志

程佐衡女名松貞無爲人字袁尙璧年十四聞夫訃立卸釵珥懷剪刀藥物以奔喪翁姑逆止之不得殉乃茹

素奉母終身

采訪
册

石氏女字程宗植李氏女字馬鳴和陳氏女字錢先仁

張氏女字葉人玲過氏女字楊文藻孫氏女字左

一作
古

長庚均無爲人皆年十三四聞訃守貞孝翁姑撫嗣子

堅苦不易操

通志
采訪册

何碧蓮戴錫元僕女也無爲人性孤潔不苟言笑戴爲議配何泣曰願終身侍主母不願字也敢以死誓一日出澣有男子急行悞觸何衣何立解所觸衣就水濯之

續修廬州府志

卷六十六

列女傳
貞孝

三十二

再三若有所浼年三十六卒戴葬之貓兒山表其墓曰

貞姑歲時祀之

采訪
册

李氏女字胡學純無爲人未婚爲養媳學純溺水死女不食五日將殉翁姑曰無子奈何並矢子婦其若老者何女聞強起盡婦職翁姑歿女號哭乞貸得棺以殮乃

撫嗣子而食貧焉

通志
采訪册

周氏女字丁同春無爲人未婚從姑教育值歲凶周氏乞食以食姑與其夫而自茹百草一日遇毒死同春義

之終身不娶

采訪
册

監生張廣興女無爲人性至孝年十九母卒女絕粒會

父病復起侍疾父卒投池死

采訪
册

監生阮鼈女無爲人生卽茹素父無子女誓不字父歿
女無病跣坐而逝采訪冊

程應姑無爲人字沈元燁年十七未嫁而元燁死耗聞
女引刃自剄其家人奪刀得不死因守之又縊不獲乃
歸沈守志事翁姑孝以從子爲元燁後年五十四以貞

終通志采訪冊

孔昭禮女無爲人父早逝無嗣母盛氏撫女守志女長
母爲擇配號泣不從誓養母終老卒年五十四通志州志

呂氏女字邢文光無爲人光早失怙恃家貧未娶病故
女年二十七聞訃往弔誓以死殉親族勸撫嗣孤冰霜
自矢教養兼至守貞十六載卒年四十二歲通志采訪冊

續修廬州府志

卷六十六

列女傳 貞孝

三十四

俞氏女適諸生王夢桃無爲人孝於父父病噎惟食蔗
漿女時時購之無少缺父卒氏傷父無子鮮伯叔兄弟
承祀哭謂其姊曰吾將養於地下耳旣與姊同治具以
殮將葬則痛哭潛往水濱自溺死采訪冊

駱氏女字陳學坤無爲人年二十歲壻卒聞訃欲殉適
父病篤母早逝兩弟幼小無依忍死侍湯藥晝夜不懈
父病愈卽詣壻墓拜奠立子承祀父歿營殯葬爲子弟
延師授室家道賴以不墜現年六十三歲通志采訪冊

葉秀南女無爲人許字李光箕歿女年十六聞訃奔
喪守貞不二舅姑憐其志立子爲嗣年近八旬通志州志

張氏女字朱蘭芬無爲人九歲童養朱家未婚芬歿女

年十九矢志守貞現年五十四通志采訪冊

丁氏女字艾志高無為人童養未婚志高歿女年十六

矢志守貞卒年四十八通志采訪冊

夏氏女字孫從瑜無為人年十七從瑜故衰麻往弔立

嗣奉姑守貞十八年卒通志采訪冊

丁氏女字朱雲陞無為人年二十二雲陞卒女聞訃哭

臨喪次事翁姑以孝聞翁姑故營喪葬立姪承祧守貞

十八年卒年三十九歲通志采訪冊

汪氏女字徐寶賢無為人年十六寶賢卒女聞訃奔喪

誓不歸甯孝事翁姑撫嗣承祧苦守貞節二十六年卒

年四十一歲通志采訪冊

續修廬州府志

卷六十六

列女傳 貞孝

三十五

吳氏女字金可鏞無為人年十七可鏞卒女聞訃奔喪

麻經成服誓不欲生親族力勸未果死事衰姑曲盡孝

道立嗣承祀守貞十一載卒年二十七歲通志采訪冊

汪氏女字徐廣松無為人年十九廣松歿女往弔誓不

再字守貞二十五年卒年四十三歲采訪冊

監生張錦女無為人母歿絕粒四日父病禱以身代不

起絕粒以殉通志

王國楨女無為人因母病不字負母避亂孝養終身通志

朱氏女字汪廷煥一作廷煥無為人年十四歸汪為養媳未

婚廷煥故絕粒五日重迫翁姑命復進飲食矢志守貞

孝事祖姑及翁姑撫姪為嗣授室生孫子歿撫孫成立

苦守四十年卒年五十四歲通志 采訪册

阮氏女字張本明無為人年二十一本明故矢志守貞

二十餘年卒年四十八歲通志 采訪册

丁氏女字李懋金無為人年十九夫故往弔誓不欲生

家人阻之未果死守志十年以毀卒通志 采訪册

李氏女字劉大鏞無為人年十九大鏞卒矢志守貞孝

事翁姑苦守三十九年現年五十七歲通志 采訪册

夏氏女字孫瑜無為人年二十一瑜故矢志守貞立姪

為嗣苦守四十五年卒年六十五歲通志 采訪册

張氏女字汪大昆無為人年十八大昆故女奔喪哭奠

矢志守貞茹苦二十四年卒年四十一歲通志 采訪册

續修廬州府志

卷六十六

列女傳 貞孝

三十六

吳氏女字楊家英無為人年二十家英故誓不再字事

親以孝守貞五年卒年二十四歲采訪册

張氏女字朱良炳無為人年十七良炳故女往哭奠孝

事翁姑終身無怠守貞六十八年卒年八十四歲通志 采訪册

册

陶氏女字朱良信無為人年十六良信故奔喪哭奠守

貞五十四年卒年六十九歲通志 采訪册

汪氏女字季識禮無為人年十八識禮故女往弔守貞

四十八年卒年六十五歲通志 采訪册

萬氏女字李可均無為人年十八可均卒女往奠誓以

死殉念翁姑在堂忍死孝養立姪為嗣苦守六十五年

卒年八十二歲 通志 采訪册

汪氏女字胡伊初無為人年十九伊初故過門守貞孝
事翁姑苦守四十五年卒年六十三歲 通志 采訪册

姚氏女字洪亦瑁無為人年十六亦瑁故過門守貞孝
事翁姑苦守三十九年卒年五十五歲 通志 采訪册

潘氏女字江佑富無為人年二十一佑富故過門守貞
孝事翁姑姑病刲股以救守貞五十一年卒年七十一

歲 通志 采訪册

王氏女字吳綬無為人年十七綬故女誓不再字依母
鍼黹度日苦守五十年卒年六十六歲 通志 采訪册

續修廬州府志

卷六十六

列女傳 貞孝

三十七

志守貞立姪為嗣苦守二十七年卒年四十二歲 采訪册

李氏女字馬輝遠無為人年十七聞輝遠病親往侍湯
藥十餘日壻故哭奠盡禮孝養孀姑守貞四十八年卒

年六十四歲 采訪册

程氏女字汪求義無為人年二十求義故過門守貞孝
事翁姑撫姪成立苦守四十六年卒年六十五歲 采訪册

王氏女字朱志科無為人年十八志科故過門守貞孝
事翁姑善視幼叔撫嗣孤成立苦守二十九年卒年四

十六歲 采訪册

陳氏女字張慎怡無為人年十八慎怡故衰經奔喪矢
志守貞孝事翁姑立姪為嗣苦守六十年現年七十七

歲通志
采訪冊

錢氏女字燕裕春無為人年十八裕春故矢志守貞三

十三年現年五十歲通志
采訪冊

魯氏女字李之桐無為人年十七之桐故矢志苦守四

十六年現年六十二歲采訪冊

高氏女字江圖球無為人年十六圖球故誓不再字矢

志苦守三十五年現年五十歲通志
采訪冊

魯氏女字季若知無為人年十六若知故矢志完貞苦

守四十五年現年六十歲采訪冊

劉氏女字沙蓋金無為人年十八蓋金故誓不再字守

貞十六年卒年三十三歲采訪冊

續修廬州府志

卷六十六

列女傳 貞孝

三十八

張氏女字朱良無為人年十七婿歿過門立後姑病刲

股救之守貞六十八年卒年八十四歲采訪冊

張氏女字黃元俊無為人未婚元俊卒聞訃往弔成服

盡禮未幾以毀卒采訪冊

朱氏女字錢士吉無為人年十九士吉故聞訃奔喪成

服盡禮孝事翁姑撫嗣孤綸祖成立綸祖死又撫嗣孫

永儀守貞四十五年卒壽六十有三綸祖妻呂氏永儀

妻周氏亦皆青年守志刲股愈姑疾時有三代陶歐之

稱采訪冊

潘氏女字王德善無為人年十七德善故聞訃奔喪成

服盡禮守貞養親卒年四十三歲采訪冊

汪氏女字湯傳紱無爲人庠生汪浩長女附貢生湯銘
孫媳舉人湯永圖長媳年三十二未婚傳紱故絕粒數

日父母苦勸遂矢志堅守

冊 采訪

監生朱煜女字謝肇綬無爲人年二十肇綬故聞訃奔

喪矢志守貞

冊 采訪

歲貢阮及筠女字劉上明無爲人年十九上明亡往弔

立後喪畢仍歸母家守貞撫嗣子成立

冊 采訪

陳氏女無爲人年十二因父無嗣矢志不字終身就養

紡績營生卒年七十六歲

冊 采訪

職員范昺恆女無爲人因弟文生范光宇病故色養無

人誓終身不嫁以養父母

冊 采訪

續修廬州府志

卷六十六

列女傳 貞孝

三十九

饒氏女無爲人字庠生王同瑾長子刲股療父病孀母

病亦如之皆愈

冊 采訪

吳家禮女無爲人母病醫藥罔效焚香刲股和藥以進

病尋愈

冊 采訪

童士璜次女無爲人適吳積成因孀母無嗣紡績代養

母病刲股救之

冊 采訪

范氏女字汪言準無爲人十四歲刲股愈父疾

冊 采訪

以上 女待 旌

貞孝

丁澤光妻陳氏無爲人姑病氏刲股以救香滿一室姑

病尋愈已 旌

州志 按采訪冊又有丁澤光妻朱氏事實與此同

魯國興妻吳氏無爲人姑病垂死氏焚香祝天引斧剖

脅封肝作羹以進姑立痊夜夢神以一紅丸納創口旦而遂合無恙已 旌通志

職員裴銓妻朱氏無為人姑病封股和藥以進獲瘳後

值銓病復封股投藥餌救之銓病立愈已 旌通志

庠生劉宗弼妻李氏無為人年十五姑病封股療之獲

愈已 旌通志

丁良嶽妻徐氏無為人姑胡氏病篤氏封股和藥以進

姑遂愈初胡氏事其姑亦曾封股云已 旌通志

庠生關大成妻朱氏無為人姑病禱於大士前封股作

羹以進姑遂愈已 旌通志

方士瑯妻燕氏無為人姑病氏封股作羹以進姑遂愈

續修廬州府志

卷六十六

列女傳 貞孝

四十

已 旌通志

監生凌應彤妻邢氏無為人姑病封右臂以療之獲愈

後翁病又封左臂以療亦愈已 旌通志

諸生張嗣濱妻傅氏無為人封股救母及歸張得翁姑

歡心孝養備至已 旌通志

宋明試妻孫氏無為人姑病篤封股作羹以進姑病獲

痊已 旌通志

以上孝婦已 旌

周志雲妻范氏劉開宗妻鈕氏俱無為人賊至侍姑不

去遇害又王太和妻鮑氏賊虐其姑氏奔救脫其姑而

身見殺采訪册

邢肇功妻裴氏無為人姑病氏親執澣濯不假手婢妾夫病危焚香籲天願以身代尋亦病卒

州志

劉邦華妻謝氏無為人年十四刲股愈其父後父母歿無嗣祖父叔父暨弟五棺在堂謝因出奩資營喪葬立父族子以承祀歸劉舅病偏枯姑亦老病謝侍藥滌穢

三年不懈復刲股以進焉

通志
采訪册

楚彬妻胡氏無為人父病籲天請代跪禱三晝夜父竟愈于歸後翁病亦然姑病卧膚破成瘡氏以舌舐膿血半月而姑愈翁姑歿傾資營葬哀毀骨立

通志
采訪册

陳維瑜妻張氏無為人姑患瘡延女巫治云須生人指佩之眾不之信氏立斷指以佩姑姑果愈人稱愚孝

舊志

監生朱德霞妻楊氏無為人嘗斷指煎湯以救翁病

舊志

鍾某妻葉

又作蕭

氏無為人夫以歲荒不能存欲嫁之氏

痛哭甘乞食終不去又嘗刲股活其母與夫病

采訪册

貢生丁宅仁妻王氏無為人貞靜慈善好施捨性尤孝

翁姑病刲股療之皆愈

通志
采訪册

蔣家訓妻丁氏無為人丁宅仁女也姑目盲舐之復明

姑患心疾三刲股肉以療之

通志
采訪册

六品銜侯甲妻程氏無為人姑病目舐之復明

采訪册

文生沈策之僕婦謝氏無為人年三十餘侍策母湯氏湯待下有恩忽病篤謝氏每夜焚香祝天祈以身代隨刲股肉作羹和樂以進湯病旋愈番禺令楊公安泰記

之州志

吳念聰妻蔣氏無為人家貧夫業賈常客外氏代供子職堂上甘旨不少缺自甘茹素姑病刲股愈之通志采訪册

吳恩永妻黃氏無為人夫貧貿易氏作鍼黹事姑姑病刲股救之立愈延算數十年遂臻耄耄采訪册

凌盛九妻倪氏無為人家貧夫出貿易氏勤鍼黹以供甘旨舅姑先後病均刲股以愈後夫歸勸以力田養親

通志采訪册

耆民邾延海妻趙氏無為人事姑以孝聞姑病籲天請代刲股以愈之采訪册

王文福妻郭氏無為人家貧事姑孝姑得寒疾八年不

續修廬州府志

卷六十六

列女傳 貞孝

四十一

起進漿滌穢晝夜不懈積勞成筋骨疼痛病年七十歲

卒通志采訪册

巡檢盧廉妻夏氏無為人姑病刲股以療母及夫病亦

如之采訪册

廩生謝嘉珍妻汪氏無為人未笄刲股愈母歸謝事翁

姑以孝聞采訪册

廩生程佐衡妻王氏無為人庠生王同瑾妹也伯翁疾

刲股療之尋愈采訪册

庠生王同瑾妻陳氏無為人姑病刲股療之尋愈采訪册

童生魏本立妻王氏無為人即同瑾姪女也刲股愈孀

母疾采訪册

倪德實妻胡氏無爲人事孀姑以孝聞姑病嘗糞采訪冊

許道培妻周氏無爲人年十三母病刲股二次歸許事

翁姑以孝聞采訪冊

監生樂化溥妻呂氏無爲人庠生調鼎母也賢淑至孝

翁病兩次刲股皆愈夫卒守志撫孤采訪冊

監生葉廷植妻趙氏無爲人未字時爲養生姨母病刲

股愈之于歸後姑患咯血氏晝夜侍湯藥百餘日未懈

采訪冊

貢生王鑾妻舒氏無爲人年十四刲股愈母後又刲股

療姑病采訪冊

潘文炳妻張氏無爲人翁病刲股二次母病亦刲股療

續修廬州府志

卷六十六

列女傳 貞孝

四十二

之采訪冊

倪天祥妻謝氏無爲人佐夫孝事翁姑夫患足疾氏涕

泣顛天刲股以進疾霍然愈唐太守旌以額采訪冊

提舉銜附貢生李文煥妻黃氏無爲人姑病顛天請代

夫病刲股療之立愈生子四人皆登仕版采訪冊

丁席珍妻方氏無爲人侍姑疾衣不解帶者五月夫有

血疾刲股療之前後凡五次皆愈媳朱氏長子守釶妻

也亦刲股愈翁姑疾采訪冊

從九董有煊妻陸氏無爲人姑患氣痛侍湯藥晝夜不

懈夫病刲股以療之采訪冊

許長妻周氏無爲人年十二母病哭泣以禱兩目出血

歸許姑病衣不解帶者月餘許家貧兩代棺不能葬氏
傾奩資營葬之而晝夜急女紅爲生計竟以勞瘁卒

通志

采訪冊

程臻駢妻黃氏無爲人姑年九十久病不起氏含飯哺

之洗滌穢溺雖盛暑隆寒不少懈咸豐十一年賊入村

見程家先人像有官爵將毀之黃哭罵力爭賊義之不

殺而去

采訪冊

從九胡樑妻呂氏無爲人繼姑患廢疾氏侍起居飲食

二十五年不懈

通志

張有倉妻錢氏無爲人姑病刲股復下血氏祝而飲之

頓愈

通志

續修廬州府志

卷六十六

列女傳 貞孝

四十四

布經歷孝子倪以翕妻吳氏無爲人姑病刲股二次未

愈復割胸以療立瘳

通志

以上孝婦待 旌

聞君甫女巢縣人字丁氏子丁幼喪父母君甫收養之

女年十七未婚丁貿易外出久不返君甫誦女女以死

自誓乃聽其守女事繼母謹未幾君甫夫婦相繼歿女

獨力謀殯葬撫幼弟成立爲授室守貞五十餘年乾隆

十二年 旌

通志 縣志

聞氏女字丁梅巢縣人未婚丁遠出不歸女誓不改字

守貞六十年乾隆十五年 旌

縣志

陳國信女巢縣人字諸生王廷芝子徹幼育於陳將婚

而徹歿女衰經盡禮立姪爲嗣事翁姑盡孝養守貞三十餘年嘉慶二十二年 旌 通志 縣志

監生洪學洙女巢縣人字舉人陳萬美子軼賢女幼慧讀詩書能識其義婚有期而軼賢訃至女號痛幾絕盡出其奩物火之請於父母歸陳氏至則曰兒當死此不復回矣萬美憐其志以長子子嗣之母故多疾季弟幼女恆撫之教以讀過十齡始出就傅縣令牛映奎額其廬曰貞義之門嘉慶二十四年 旌 通志 縣志

附貢生陶詩女巢縣人幼字庠生葉觀光之三子長福年十八未婚長福猝病故女聞訃往弔盡哀盡禮翁姑憐之爲立其夫兄庠生遐福子監生蔭庠爲嗣已於道

續修廬州府志

卷六十六

列女傳 貞孝

四十五

光二十九年請 旌建坊嗣蔭庠因罵賊殉難蒙 旌

卹女撫孫春宜教養兼盡同治八年春宜入庠 通志 采訪册

胡士珩女字監生陳金鐸子模巢縣人模歿女年十七矢志守貞歸夫家事舅姑能得其歡舅姑以爲吾子不

死云已 旌 通志 采訪册

黃星元 通志 采訪册 女字胡國晨巢縣人國晨死女年二十

易服奔喪立從子學儒爲嗣守貞四十餘年已 旌 通志

采訪册

從九李應廣女字方宗儒巢縣人年十八宗儒歿聞訃奔喪絕粒誓死姑以侍奉無人苦勸復甦泣請於姑立姪克昌爲嗣方故家貧女勤紡績以全養姑病刲股和

藥以進守貞三十三年已

旌

通志
採訪冊

陶名榮女字儒童唐效曾巢縣人年二十效曾故女聞
訃奔喪哭泣盡哀侍奉舅姑極孝立夫弟效先子前樹
為嗣撫之成立守貞五十一年已

旌

通志補遺
採訪冊

以上

貞孝

女已

旌

戴聯發女巢縣人字蔣廣煜年十八夫亡女奔喪盡禮
遂不復歸翁姑憫其幼示意於其母欲遣歸母固節婦
女曰母守志兒獨不可如母耶號泣誓死遂從其志事
翁姑曲盡孝養衣不沐首不櫛荷鋤操作若老嫗卒之
日香滿一室里人重之為立祠

通志
縣志

聶氏女字楊文魁巢縣人年十八聞夫病篤請於父母

續修廬州府志

卷六十六

列女傳 貞孝

四十六

日郎之病亟矣願一日侍湯藥而死父母難之女終日
哭姑憐其志迎之歸勞苦忘晝夜不數日魁卒女傷痛
絕粒死而蘇者再姑曰迎婦無子而有婦也今若何女
即起進水漿供婦職事姑極孝後嗣子死撫孤孫艱苦
備歷五十六年如一日

通志
縣志

十餘年卒於母家

縣志

監生李海濤女巢縣人字葉蔭祺年二十聞夫訃取奩
中鍼黹悉焚之涕泣拜父母乘素車歸夫家事祖舅姑
及舅姑盡禮撫嗣子以恩聞節孝祠傾圮慨然出田租

五百金重建之不足以紡績資繼守貞二十五年通志

監生趙錫齡女巢縣人字王文鍾咸豐三年賊至擄文

鍾去女年九歲以守貞請於父母且願入壻家奉舅姑

父母以其幼不許輒不食苦志十七年兩家知不可移

從其請女入門奉事極孝當在室父病刲股以進立愈

其貞孝蓋本於天性云通志

縣志

趙公瑞女巢縣人字廩生劉奉璋子鳴盛年十五母病

篤刲股和藥終日憂鬱惟恐母病不愈積勞成疾越數

月卒通志

采訪冊

葉正全女字陳朝遇子曙瀛巢縣人幼育於陳年十九

猶未婚曙瀛暴疾卒女哀毀不欲生絕粒數日舅姑勸

續修廬州府志

卷六十六

列女傳 貞孝

四十七

之曰汝死兩老人將何依因強起毀容易服曲盡孝養

立從子為嗣撫之成立守貞三十餘年采訪冊

連氏女字水某巢縣人某歿女過門守貞事舅姑克代

子職立姪寶善為嗣卒年七十二守貞五十餘年采訪冊

李向榮女字閩學琴巢縣人婚期前一日學琴歿女年

十九誓無二志如期歸夫家孝事翁姑守貞至五十八

歲卒采訪冊

陸雲舟女字吳家金巢縣人家金歿女年十五聞訃奔

喪為夫立嗣事翁姑無缺禮守貞十六年卒年三十一

歲采訪冊

陶氏女字徐程萬巢縣人未婚程萬歿女奔喪守貞孝

事舅姑舅姑爲立從孫嗣之守貞五十一年卒年六十
八歲采訪册

程氏女字王玉庭子志周巢縣人幼育於王未婚志周
歿女年十五與孀姑李氏孀娣蕭氏相依守貞立從子
秉文爲嗣卒年五十一歲采訪册

柳氏女字周文勝巢縣人年十五文勝故女聞訃奔喪
守制勤紡績積有餘資取以殯翁姑撫繼子守貞四十
年現年五十五歲通志采訪册

徐氏女字李福兆巢縣人年二十四福兆故過門守貞
孝事孀姑撫嗣成立守貞三十二年卒通志采訪册

吳氏女字監生湯銘巢縣人未于歸銘故矢志守貞歷

續修廬州府志

卷六十六

列女傳 貞孝

四十八

二十六年卒通志采訪册

丁氏女字晏霖巢縣人年十六未婚夫故守貞四十二
年卒通志采訪册

諸生陳堅女字儒童汪金育巢縣人年十六未于歸金
育故女奔喪盡禮守貞二十八年通志采訪册

李氏女字文童方家儒巢縣人未婚家儒故女年十八
聞訃奔喪絕粒欲殉旋思孀姑侍奉無人遂復飲食事
姑極孝立姪爲嗣教養成立守貞四十四年現年六十

二歲采訪册

張氏女字儒童王文梓巢縣人未于歸而文梓故女年
十八聞訃奔喪盡哀盡禮守貞二十二年采訪册

張氏女字朱雲祚巢縣人年十七未婚雲祚歿女過門
守貞與姑相依親愛如母茹苦六十三年卒年八十歲

采訪
冊

以上貞女待旌

張冕妻陳氏巢縣人年十九夫歿誓死守志逾十年聞
父病歸省姑亦旋病氏卽歸視姑截臂肉一嚙作羹進
姑以其餘進之父筋斷血溢而卒已旌通志

以上孝婦已旌

陳兆康妻崔氏巢縣人奉姑避亂姑歿葬畢自縊通志

萬鍾妻周氏巢縣人夫病刲股救之不起姑病氏復刲
股姑忽聞異香滿室病遂愈氏嘗臥病聞翁病欲飲氏

續修廬州府志

卷六十六

列女傳 貞孝

四十九

匍匐汲水供之人咸服其孝

縣志

以上孝婦待旌